



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 28. Disciplina Ecclesiæ.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

circa suam Disciplinam descriptionem, Sæculum IV.
 quæ in hac nostra historia locum me- A. C. 376.
 retur.

§. XXVIII.

Disciplina Ecclesiæ.

Primo, inquit S. Epiphanius, a multis
 servatur Virginitas, & honoratur, tum
 Celibatus, continentia, status viduitatis,
 tum Matrimonium, præprimis si fuerit
 unicum. Licet tamen viro mortua uxore
 aliam ducere, & mulieri mortuo marito
 nubere. Horum omnium Bonorum fons
 est Sacerdotium, quod plerumque Virgi-
 nitatem servantibus tribuitur, aut iis, qui
 in Celibatu vixerunt, aut ab uxorum com-
 mercio abstinēt, (*) aut post primum
 matrimonium vidui sunt; qui autem al-
 teram duxerit, ad Sacerdotium suscipi
 non potest, neque ad ordinem Episcopo-
 rum, Presbyterorum, Diaconorum, vel
 Subdiaconorum. Post Sacerdotium venit
 ordo Lectorum, qui ex omnibus conditio-
 nibus assumi possunt, ex Virginibus, ex
 Ii 3 celiba-

(*) Testimonium convincens contra Inter-
 pretem Protestantem dicentem, posterioribus
 temporibus jugum continentiae Clericis fuisse
 impositum, cum tamen totam Historiam Ecclesia-
 sticam pervolventi perspicuum fiat, ab Apostolo-
 rum tempore ad nostram usque ætatem nun-
 quam licuisse Diacono, Presbytero, vel Episco-
 po post ordinationem suam ducere uxorem.

Sæculum IV. A. C. 376. celibatu, ex continentibus, ex viduis, ex conjugio, & si necessitas postulet, ex bigamis, quia Lector Sacerdotii particeps non est. Dantur etiam Diaconissæ, constitutæ ad obsequium solarum faminarum propter honestatem, in baptismo, & aliis ejusmodi functionibus; hæ quoque in continentia tenentur vivere, aut post primum matrimonium viduæ sint, aut perpetuo Virgines. Sequuntur Exorcistæ, Interpretes, qui lectiones, seu sermones prolatos una lingua, alia explicent. Ad sunt quoque Copiates, qui mortuos sepeliunt; Ostiarii, & quæcunque ad bonum Ecclesiæ ordinem spectant.

Conventus, ab Apostolis instituti, diebus Mercurii, Veneris, & Dominicis habentur; in quibusdam locis etiam diebus Sabbati convenitur. Diebus Mercurii & Veneris jejunatur usque ad Nonam, quia die Mercurii Dominus traditus fuit, & die Veneris crucifixus. Jejunium nostrum est grati animi pignus, quod Dominus pro nobis passus fuerit, & satisfactio pro peccatis nostris. (*) Jejunium diei Mercurii, & Veneris usque ad Nonam

(*) Hic habemus Testem S. Epiphanium, Eusebium, & alios Patres, qui de hoc Jejunio loquuntur, ac hodie Romano-Catholici loquuntur, de bonis operibus, & satisfactione pro peccatis nostris locutos. Interpres Protestant hanc Doctrinam vocat.

nam toto anno in Ecclesia Catholica ob-
 servatur, exceptis quinquaginta diebus
 tempore Paschali, quo genua flectere,
 aut jejunare non licet; illo tempore con-
 ventus diebus Mercurii, & Veneris ma-
 ne, & non post Nonam sicut reliquo an-
 ni tempore celebrantur. In die Epipha-
 niæ, quæ est Nativitas Salvatoris secun-
 dum carnem, non licet jejunare, quam-
 vis in diem Mercurii, aut Veneris inci-
 dat. Ascetæ voluntarie jejunant toto
 anno, exceptis Dominicis, & tempore
 Paschali, & semper Vigiliis observant.
 Ecclesia Catholica omnes Dominicas dies
 lætitiæ censet, mane convenitur, & non
 jejunatur. Quadraginta dies ante septem
 dies Paschæ continuo jejunat, sed Die Do-
 minica non jejunat, etiam in quadrage-
 sima. Sex dies ante Pascham omnes po-
 puli observant Xerophagiam, id est, nihil
 comedunt nisi panem, sal, & aquam ad
 vesperum. Ferventissimi duobus, tribus,
 aut quatuor diebus ab omni cibo absti-
 nent, aliqui tota hebdomada, donec Die
 Dominica mane gallus cantet. His sex
 diebus vigilatur, & quotidie convenitur,
 etiam

Sæculum VI
 A. C. 376.

S. Epipha-
 nius.

I i 4

vocat: das Verderben im Christenthum. At con-
 tra S. Scripturam, quam semper crepat, loquitur.
Quam ob rem Rex Consilium meum placeat tibi, Dan. c. 4.
& peccata tua elemosynis redime, & iniquita-
tes tuas Misericordiis pauperum; forsitan ignos-
cet delictis tuis.

Sæculum IV. A. C. 376. etiam tota quadragesima convenitur a Nona usque ad Vesperam. In quibusdam locis noctes duas a Die Jovis ad diem Veneris, & ad diem Dominicam tantum vigilatur. In quibusdam locis Sacrificium in Cœna Domini offertur, & Xerophagia continuatur, in aliis Sacrificium celebratur tantum nocte præcedente Diem Dominicam, ita ut officium in Die Paschæ ad Galli cantum finiatur. Baptismus, & alia arcana Mysteria juxta traditionem Evangelii, & Apostolorum celebrantur.

Defunctorum memoria fit, eorumque nomina pronuntiantur, dum celebrantur preces, & Sacrificium. Preces matutinæ cum Canticis, & Laudibus, & Vespertinæ cum Psalmis assidue in Ecclesia observantur. Sunt Monachi, qui in urbibus habitant, alii in Monasteriis disitis. Sunt, qui capillos prolixos gerunt devotionis causa, quod tamen S. Pauli præcepto conforme non est. Plures alia observationes piæ in Ecclesia dantur; aliqui a carnibus omnis generis animalium,

(*) Testimonium contra Protestantes, jam tum in Sacrificio Missæ, sicut hodieque fit, nomina defunctorum fuisse recitata. Hunc locum Interpres Protestans corripit vertendo: man feyert das Gedächtniß der Verstorbenen, indem man sie bey Namen nennet, und bey dieser Gelegen-

lium, ab ovis, & caseo abstinēt. Alii-
 qui tantum ab animalibus quadrupedi-
 bus abstinēt, alii volucres quoque non
 comedunt, alii neque pisces. Sunt qui
 etiam ab ovis abstinēant, alii a caseo;
 sunt qui abstinēt ab ipso pane, & fructi-
 bus, & omni eo, quod coctum est.
 Multi humi dormiunt, multi nudipedes
 incedunt. Aliqui sacco induuntur secre-
 to, & pœnitentiæ causa; palam vero
 eum ostendere, aut collum catenis grava-
 ri, quales aliquos videre est, minime de-
 cet. Plerique balneo non utuntur. Qui-
 dam, postquam Mundo vale dixerunt,
 operum quorundam simplicium, & faci-
 lium inventores extiterunt, ut otium fu-
 gerent, & aliis non essent oneri. Pluri-
 mi continuo Psalmodia, oratione, lectio-
 ne, & SS. Scripturarum recitatione exer-
 centur.

Ecclesia Catholica omnes docet, quan-
 ta sit hospitalitatis, Eleemosinæ, & om-
 nium operum Charitatis erga quoscun-
 que utilitas. Ab omnium Hæreticorum
 communionē abstinēt. Fornicationem,
 Ii 5 adul-

Sæculum IV.
 A. C. 376.

S. Epiphaniū
 opera.

Gelegenheit Gebete und Opfer verrichtet.
 S. Epiphanius non dicit, quod occasione Defun-
 ctorum preces, & Sacrificia qualiacunque per-
 agantur, sed quod in precibus, & Missæ Sacri-
 ficio (illo nempe Sacrificio, quod Interpres no-
 ster crassa, & affectata ignorantia toties dissimulat)
 Memoria eorum nominatim fiat.

Sæculum IV.

A. C. 376.

adulterium, impudicitiam, Idololatriam, homicidium, & crimina omnia proscribit. Magiam, veneficium, Astrologiam, Augures, Sortilegos, incantationes, scripturas arcanas execratur. Theatra, equestrum cursus, Bestiarum pugnas, Spectacula musica, detractiones, rixas, contentiones, injurias, injustitiam, avaritiam, usuras prohibet. Negotiis sæcularibus impliciti Ecclesiæ non probantur, sed omnium ultimo ponuntur. A nemine, nisi justitiam colat, oblationem recipit. Talis erat juxta S. Epiphanium Ecclesiæ Catholicæ Disciplina. In fine Libri de Hæresibus Anatolium, qui totum notis conscripserat, & Hypatium, qui correcte in chartaceis codicillis araverat, dilaudat.

§. XXIX.

Quæstio. Utrum una Hypostasis, vel tres dici debeant?

Basil. epist. 349. ad Terent.

Illo tempore Paulini Sectatoribus litteræ Roma allatæ animos addiderunt, quod Paulinum Episcopum Antiochenum appellarent, & S. Meletium rejicerent. Tunc ergo Paulinistæ Comitum Terentium, cui Antiochiæ magna erat Auctoritas, & par in Ecclesiam propensio, ad eunt, rogantque, ut inter se, & Sectatores S. Meletii, adhucdum exulis, unionem procuraret. Id ubi S. Basilus rescri-